



祁縣志卷九

祁縣知縣陳

時編輯

人物二

孝友
方伎

文苑

尚義

飭行

仙釋

孝友

漢

溫壽序子爲鄒平侯相棄官乞序骸骨歸葬光武嘉

孝許之

北魏

王元遜祁人從父應授守潁川城陷遂罹害

唐

(24175)

山西圖書館
地方文獻

張道源

見鄉賢

王燕珪係性至孝爲徐州司馬母有疾躬奉湯劑彌年不廢帶數從高醫游遂窮其術因著外臺秘要討繹精明世寶焉歷給事中鄴郡太守治聞於時

溫振中書令彥博之子少有雅望官至太子舍人居喪以哀毀卒

元

溫義

見鄉賢

明

李瓚

見鄉賢

王景能祁人事孀母以孝聞孫天爵領鄉薦

渠永昌性孝友累賓鄉飲壽至九十九歲

閻紹芳祖喪承重茹素三年

胡謙麓臺坊人赴兄急難慷慨殺身

國朝

馬繹字貫珠太學生世相坊人敦行喜施嘗出貲伙任授例出仕歲饑買粟振隣里之貧者幼失怙事母維謹母卒悲痛幾絕枕苫獨居者三年殯殮葬祭罔不

卷九
盡禮邑侯李公旌其門

許到字鋒雪康熙壬午科舉人幼喪父常痛不逮養事
母孝及母病狂飲食起居必躬必親二十餘年如一

日

程師伊字繼川庠生晚義村人早歲入庠克敦孝友母
既葬每遇風雨必偕仲弟彥直往哭于墓季弟彥士
尚幼撫育成立祖母病朝夕侍奉衣不解帶者兩年
餘其他扶危濟困爲人排難解紛尤鄉黨所推服年
六十六歲無疾而卒于四人

程彥直字益菴晚義村人篤行勤學母病卒悲號欲絕
時父貿易西安星夜奔赴父所兩月而父亦卒扶柩
歸里與母合葬盡禮盡哀遠近悅服

曹善成篤於天顯家貧弟善行早逝遺任龍泉甫三月
弟婦常氏誓志守節善成曲成其志躬搯作供給常
氏母子衣食無缺後家計豐足常氏 旌表建坊任
龍泉列太學生善成之力也

高爾秀字實夫候選州同紫紅鎮人行端志和孝事繼
母顧氏頤病三年躬侍湯藥衣不解帶及卒哀毀骨

卷九
盡禮邑侯李公旌其門

許判字鋒雪康熙壬午科舉人幼喪父常痛不逮養事
母孝及母病狂飲食起居必躬必親二十餘年如一

日

程師伊字繼川庠生晚義村人早歲入庠克敦孝友母
既葬每遇風雨必偕仲弟彥直往哭于墓季弟彥士
尚幼撫育成立祖母病朝夕侍奉衣不解帶者兩年
餘其他扶危濟困爲人排難解紛尤鄉黨所推服年
六十六歲無疾而卒子四人

程彥直字益菴晚義村人篤行勤學母病卒悲號欲絕
時父貿易西安星夜奔赴父所兩月而父亦卒扶柩
歸里與母合葬盡禮盡哀遠近悅服

曹善成篤於天顯家貧弟善行早逝遺任龍泉甫三月
弟婦常氏誓志守節善成曲成其志躬搯作供給常
氏母子衣食無缺後家計豐足常氏 旌表建坊任
龍泉列太學生善成之力也

高爾秀字實夫候選州同紫紅鎮人行端志和孝事繼
母顧氏頤病三年躬侍湯藥衣不解帶及卒哀毀

立葬祭盡禮兄爾鳳早逝撫養子女如已出任殤復以已子承兄祀處鄉里溫厚和平人無間言學師李

邑侯楊上其優行提學蔣公以德義可尊額其門

薛貴程家庄人父大盛起食關東貴生未識其貌也母黨氏茹苦撫育甫能言卽問母曰父何在曰關東關東何在曰日出處幾日到曰不能到也不能到父何以到母異之弱冠卽欲尋父因母老家貧不能遠離越數歲而母卒飲泣東行背負招狀由燕山抵盛京凡寧古塔烏拉墨爾根諸處無不親歷幾及二載後

至鉄嶺八寶山酷暑苦饑俄而風雷交作大雨如注遂僵卧梵宇簷下山民進以水漿詢其來歷貴詳述鄉貫及父名寺內一道士側耳傾聽拄杖而前曰是吾子也相抱大痛觀者如堵以爲誠孝所感蓋其父久隱姓名在雲光洞爲黃冠別號天機至是父子完聚欲歸無資田間作苦者又經四載買犢牽車輦載而歸時乾隆之丙寅年也旣歸傭工奉養三年父歿與其母合葬於村之北隅薛氏六世僅貴一人今貴舉四子其族將大邑人戴彭年爲之立傳

任蕙東觀鎮人孝事繼母有第四人皆繼母所出備極
友愛家徒墜立歷艱辛撫育諸弟有成邑人稱其孝
友

渠錦塔寺村人少孤事母孝臨財廉妻之母卒爭分其
財物錦禁妻勿取性儉勤然喜施未及中年而卒其
子永澍事母亦以孝聞

程珮公東觀鎮人幼失怙稍長克自樹立事孀母以孝
聞友愛弱弟老而彌篤敬宗收族振恤貧乏里黨無
間言乾隆三十四年邑令汪行鄉飲酒禮舉爲耆賓

以爲鄉人士勸

張正智澗村人少失怙事母致孝兄亦早逝遺幼侄復
元嫂孀居正智與妻賀氏事之如母撫育遺侄恩愛
彌篤又性仁厚而處事和平遠近悅服年五十餘生
二子

韓煜左東村人幼喪父事母克孝第五人皆幼煜營生
養母及母卒與諸弟同爨無間言又前母姊已適程
門貧苦無資歸養於家愛敬不懈

戴致瑜字連城庠生程家庄人少孤母病常爲汲甘水

於十里之外鄉里稱其孝早卒妻時氏詳列女
誦製字秉乾舉善坊人幼喪父事母誠謹嗜學童年入
泮每詢父遺事必痛哭流涕後母亦亡逢雙親忌辰
悲號至寢食俱廢年三十四而卒有子三人

文苑

北魏

溫子昇

見鄉賢

隋

王頰字景文齊州刺史頰之弟也年數歲值江陵陷隨

諸兄入關少好遊俠年二十尚不知書爲其兄頤所
責怒於是感激始讀孝經論語晝夜不倦遂讀左傳
禮易詩書乃歎曰書無不可讀者勤學累載遂遍通
五經究其旨趣大爲儒者所稱解綴文善談論年二
十二周武帝引爲露門學士每有議決多頰所爲而
頰性識甄明精力不倦好讀諸子偏記異書當代稱
爲博物又曉兵法益有縱橫之志每歎不逢時常以
將相自許開皇五年授著作佐郎尋令於國子講授
會高祖親臨釋奠國子祭酒元善講孝經頰與相

難詞義鋒起善往往見屈高祖大奇之起授國子博士後坐事解職配防嶺南數載授漢王諒府諮議參軍王甚禮之諒舉兵數進奇策諒不能用楊素至蒿澤將戰諒謂其子曰氣候殊不佳兵必敗旣而自殺時年五十四撰五經大義二十卷有集十卷並因兵亂無復存者

唐

王珣字伯玉方翼子與兄瑛弟瑑以文少稱時號三王天授初珣及進士第應制科遷藍田尉以拔萃擢長

安尉因進見武后召問刑政嘉之詢其族氏對曰廢后臣之姑也后不悅左遷亳州司法參軍神龍初爲河南丞武三思矯制貶臨川令宋璟輔政召授侍御史出許州長史歲早珣時假刺史事開廩賑民卽自劾元宗赦之累遷工部侍郎而瑑至中書舍人珣嘗爲秘書少監數年而瑑繼職終右散騎常侍卒贈戶部尚書謚曰孝子絹天寶中歷右補闕殿中侍御史王維字摩詰九歲知屬辭與弟縉齊名資孝友開元初擢進士調大樂丞坐累爲濟州司倉參軍張九齡

政擢右拾遺歷監察御史母喪毀幾不生服除累遷
給事中安祿山反元宗西狩維爲賊得以藥下利陽
瘖祿山素知其才迎置洛陽迫爲給事中祿山大宴
凝碧池悉召梨園諸工合樂諸工皆泣維聞悲甚賦
詩悼痛賊平皆下獄或以詩聞行在時緒位已顯請
削官贖維罪肅宗亦自憐之下遷太子中允久之遷
中庶子三遷尚書右丞緒爲蜀州刺史未還維自表
已有五短緒五長臣在省戶緒遠方願歸所任官放
田里使緒得還京師議者不之罪久乃召緒爲左散

騎常侍上元初卒年六十一疾甚緒在鳳翔作書與
別又遺親故書數幅停筆而化贈祕書監維工草隸
善畫名盛於開元天寶間豪英貴人虛左以迎寧薛
諸王待若師友畫思入神至山水平遠雲勢石色繪
工以爲天機所到學者不及也客有以按樂圖示者
無題識維徐曰此霓裳第三疊最初拍也客未然引
工按曲乃信兄弟皆篤志奉佛食不葷衣不文綵別
墅在輞川地奇勝有華子岡欽湖竹里館柳浪茱萸
泝辛夷塢與裴迪游其中賦詩相酬爲樂妻妾不

孤姑三十年母亡表輞川第爲寺終葬其西實應中
代宗語繙曰朕嘗於諸王座聞維樂章今傳幾何遣
中人王承華往取繙哀集數十百篇上之

溫廷筠彥博裔孫少敏悟工爲辭章與李商隱皆有名
號溫李然薄於行無檢幅又多作側辭豔曲與貴胄
裴誠令狐瀉等蒲飲狎昵數舉進士不中第思神速
多爲人作文大中末試有司廉視尤謹廷筠不樂上
書千餘言然私占授者已八人執政鄙其爲授方山
尉徐商鎮興陽署巡官不得志去歸江東令狐綯方

鎮淮南廷筠怨居中時不爲助力溫府不肯謁丐錢
揚子院夜醉爲邏卒擊折其齒訖於綯綯爲劾吏吏
具道其汗行綯兩置之事聞京師廷筠徧見公卿言
爲吏誣染俄而徐商執政頗右之欲白用會商罷楊
收疾之遂廢卒本名岐字飛卿著握蘭集三卷金筌
集十卷外集一卷詩集五卷漢南真稿十卷學海三
十卷記室備要三卷搦茶錄一卷

溫憲廷筠子登進士第光啟中爲山南從事能世其詩

學

元鼎志 卷九
王緒僧辨裔孫謨永寧公輔梁書黜陳不列蕭穎士佐
之著蕭梁史譜及梁不禪陳論以發緒義例使光明

云

宋

王貽孫字象賢少隨周祖典商頴二州署衙內都攝揮
使顯德中以父在中書改朝散大夫著作佐郎宋初
遷金部員外郎賜紫累遷右司郎中淳化中卒太祖
平吳蜀所獲文史副本分賜大臣溥好聚書至萬餘
卷貽孫遍覽之又多藏法書名畫太祖嘗問趙普拜

禮何以男子跪而婦人否普問禮官不能對貽孫曰
古詩云長跪問故夫是婦人亦跪也唐太后朝婦人
始拜而不跪普問所出對云大和中有幽州從事張
建章著渤海國記備言其事普大稱賞之端拱中右
僕射李昉求郡省百官集議舊儀貽孫具以對事見
禮志時論許其諳練云

明

郭儒號一泉祁縣人嘉靖丁酉舉人授淳化知縣蒞任
六年致仕歸行李一肩視來時無異邑人士瞻觀

金却弗受其居官修城堡及文廟學舍停徭役均賦
稅課諸生文藝躬歷會所甲乙必當夏給薪水必備
致政家居耕耘自給年踰八十力學不衰篤信朱子
及許魯齋薛敬軒三子嘗輯爲續近思錄而序之謂
學者由茲錄以求則聖賢可歷階而馴致矣

國朝

閩人鶴字松白會善村人家貧力學善誘後進出其門
者皆卓卓有所成就康熙壬午科舉於鄉闈墨出遠
近傳誦欽其學識

渠殿颺字景舉乾隆庚辰舉人沉潛力學鄉墨坊刻行
世教授生徒多所造就撫育孤侄族黨稱孝友焉
喬煌字闇章太學生候銓布政司照磨少敏悟勤學隨
父宦遊廣稽博覽尤工於詩

周南什字子文歲貢生西陽羽村人性醇樸好讀書喜
施嘗曰待有餘而後濟人終無濟人之時待身暇而
後讀書終無讀書之日每以此二語勵已勵人士林
誦之

尚義

明

郝希敏上陵都人正統六年大饑與王昶各出粟千石
輸官賑濟全活甚衆王昶王喬都人

董志山來遠鎮人有客宿於其家早行遺金一袋志山
見而收之客復來卽以原袋與之客取數金以謝固
辭不受

王璞昶五世孫性仁慈慷慨養獨姑撫姊妹施棺捐粟
賑乏周窮平居勸善息爭里黨欽服屢賓鄉飲

國朝

馬雲駟明季舉人賦異才性慷慨賑貧周急遠邇倚賴
他鄉之困于窮途者嘗贈至數百金

馬雲駿監生

府志

張雲翼庠生

府志

戴祚祥字子和程家庄人國學生兄弟五人祚祥其季
也孝友性成遇諸兄急難慨然引以爲己任常立書
舍延師課子侄及里黨之秀者其所成就多譽隆饗
序兩遇荒年人苦饑皆出金粟以濟全活甚衆戚里
族黨緩急有無靡不相賙相拯各適其意以去邑人

朱公重其行舉爲鄉介以學優行成額其門年八十卒之日哭泣盈巷及殯出肴核酒醴之祭涕泗而奠於途者相屬直達墓所其隱德之及人如此

劉銳字穎長塔寺村人起家勤儉不復公庭常施藥餌以已人疾村南濱呂源河往來病涉公首倡義舉捐三百金村人和之創建橋梁往來便之享年七十有九子姓蕃衍

程泰然字坦公歲貢生小義村人少攻舉之業屢荐未第村東有五馬河數罹水患倡村人築堤防禦又相

地形開渠既絕漂沒之虞復沾灌溉之利一舉兩得里人頌之

顏儁舉善坊人治家勤儉然濟困扶危救人之急無少吝嘗修葺學宮捐重貲竭力經營邑令姚學師張舉爲鄉飲賓

程作賢字德甫師伊子太學生疎財仗義端正不阿村東文昌閣久圯輸百金倡義修舉庠生程凌霄相與募修工畢復於殿東南建塑魁星是年鄉科獲隽二人又連歲歉收人多饑饉卽捐米於公所爲飯以活

人人感其義遂爭施焉日食數百人每飯必親爲檢點凡三閱月全活甚衆

盧應魁字嗣昌白圭鎮人性質實力農敦詩禮事繼母能先意承志友愛兄弟睦隣恤乏里中之幼失父母而無依者輒收養之邑侯畢舉鄉飲爲耆賓年八十八歲無疾而卒孫光泗雍正乙卯舉人光治庠生羅光瑄字冠玉歲貢生蒲縣訓導會善村人慷慨正直義之所在不避艱險鄉人重之

梁鐸字覺民庠生白圭鎮人恬淡冲夷行敦古處事繼母克孝性好施每歲出粟以濟貧乏又屢建橋梁構茶亭不可殫記舉鄉飲介賓年八十八歲無疾而終子姓蕃衍

溫又厲字子巖舉善坊人又嶠之弟也慷慨質直輕財好施雖居闔閭而行已必準諸道蓋商而有士行者邑侯楊舉鄉飲賓

楊殿章武庠生振茂之子疎財仗義歲饑出貲振濟里人德之

梁鍾字震公白圭鎮人少孤爲伯兄覺民所撫育及長

事兄如父自奉儉約然好施予爲人排難解紛揮金不顧壽七十五歲無疾而終

郝培葵長頭村人康熙己酉武舉爲人慷慨好義祁邑舊設里甲多借端侵漁邑人苦之公與弟庠生培璧陳情上憲均平里甲定爲二十四都春秋開徵令花戶自行完納勒石懸治大門邑人遂無里甲之累至今頌德不衰

李讓生字謙德張庄村人少失怙孝事孀母勤苦成家而輕財尚義本自性成從伯叔兄弟爲之營葬宗黨賴以舉火者十數家年七十四而卒子現昇乾隆丁酉科舉人

閻成蘭字如義泰之子家貧傭工後行商朔平歸化辛苦備嘗然存心愛物喜義行乾隆丁卯于井陘縣漢淮陰侯背水陣處捐已貲命仲子監生需督工四載修大石橋十四空車馬通行今橋頭各憲表功石碑猶存縉終復留遺義莊丁酉井陘石橋馬頭爲水所圯嗣孫附貢生安邦鳩工補修並建河神廟以護之直隸總督周韓元理念父子繼美頌于廟曰

濟延庠以孫輔邦官 贈昭武大夫

閻霏字輝玉成蘭子性質樸善承親志睦族隣恤貧窮自奉儉約年荒散柴米以濟人義方教子年至七旬片紙不入公門以子輔邦官 誥封昭武大夫

閻需字霑霖監生成蘭次子成蘭多義行需遵行不替遇歲歉嘗出金粟以濟鄉隣或兼及隣邑多至數千人其他矜孤恤寡恤人婚葬事蹟不可勝紀蓋世德相承云

閻輔邦字定遠霏之子乾隆庚辰武舉任廣東肇慶協都司告病歸里爲人質直尚義因歲饑出貲於張名村開北興西勝兩渠轉瘠土爲沃壤水澤之利與大沙村渠接雖里衆共襄其事實輔邦倡之也

梁光祖廩貢生白圭鎮人鐸之子善事繼母友愛幼弟睦族恤隣常爲人排難解紛一鎮悅服又性豪邁所居衝要一應差務竭力支持以急公奉上爲懷而生平無一事干請於官以是歷任邑侯靡不重之子五人遊庠者四年七十餘以壽終

錢承州西陽羽人秉性慷慨仁厚康熙辛丑歲饑會

粟以濟人雍正庚戌浚建橋通衢往來無病涉者曾
孫律理乾隆辛卯武舉

馬普雲字建龍三合村人慷慨尚義一門之中伯叔昆
季靡不爲之營護維持使家給人足而庭內輯和率
循惟謹處鄉黨隱惡揚善一時推服年七十三卒

馬慧字益智三合村人爲人質直不事緣飾宗黨之間
無間言喜推解雅重文學延師訓子備極勤懇子建
藩候補衛千總

馬強字健如三合村人性渾厚生平隻字不入公門而
刳人濟物無難色尤重師儒開立書館延師訓課子
姪從學成就者甚衆長子宏謨乾隆壬申科武舉仲
季俱生監孫堯典亦早歲入泮里人榮之

飭行

明

高幹瑤之子居心公直行止光明屢賓鄉飲人無間言
壽八十九歲

國朝

羅大奇邑庠生鄉飲賓賦性廉

既行已正直延師課子

長生錦康熙辛酉舉人次呈錦康熙甲子舉人

許時勤字乾夫歲貢生敦孝友自少至老謹言慎行安貧嗜古書法冠絕一時人多珍藏之

李呈秀字韻卿舉善坊人歲貢生候選訓導博籍羣書克敦倫紀士林欽重

溫又嶠字子貞義門溫義之裔家貧勤學乾隆甲子以歲貢任沁水司訓正已飭士致仕歸猶好學不倦

任承光字丕烈恩貢生東觀鎮人善事父母篤行力學里中俊造多出其門現年八十四歲

渠鑑塔寺村人秉性仁樸足不至公門長子永漪庠生杜化龍耆賓澗村人存心和厚制行端方雖托業商農而每爲士大夫所賓禮年七十二而卒

呂楊聲字克諧西砲守堡人性和行端周濟宗族貧乏解釋鄉里爭訟庭內修飭有漢石氏之風子志靈志聰俱庠生

董又新字復初庠生郃北村人勤學守正重然諾矜期許里黨欽之

梁飲庠生白圭鎮人鄉飲介賓爲人沉靜愷惻慈祥和

里推服

張世祿字元勳庠生澗村人性醇謹恪守先訓善事繼
母處宗黨間有古長者風邑侯陳重其爲人以孝友
兼盡睦婣克敦舉爲鄉飲介賓

范景璧歲貢生世相坊人言行不苟獎掖後進邑之雋
士多出其門

渠肇義舉善坊人忠厚質樸崇儉黜華行敦古處孫雲
章武庠生

楊文魁小義村人治家勤儉處世謙和鄉人稱之

楊振茂文魁之子太學生繼世善良人誦世德焉

李以節歲貢生飭言行敦倫紀以介節自持羣推爲有
本有文

顏儒字汝爲庠生舉善坊人和平爾雅與人交犯而不
校

顏建章字苑鶯歲貢生舉善坊人安貧守正一介不取
凜然有國士風

顏奎章字右文舉善坊人幼而明敏長有至行闔庠公
薦鄉飲賓年七十八而卒

原泳字永叔下申村人事親能孝待弟侄曲盡恩義簡重慎密有士君子之行邑令汪重其行舉爲鄉飲賓顏傳字文原舉善坊人性豪爽遇時明敏乾隆十三年邑侯簡詳咨准給八品頂帶壽八十四而終

梁耀祖字炳先鐸之季子性孝友喜施善事繼母二兄已折居曲意遜順有古人讓產風現年七十二歲

范明鏡小賈村人慷慨好施常修合藥餌以利人邑侯朱舉爲鄉飲賓年六十二而卒

梁整字景溪庠生白圭鎮人性孝友篤學不倦雍正間薦舉優行太守劉額其堂曰砥礪廉隅

梁銓字純菴白圭鎮人幼勤學入泮後常列優等遂食餽恂謹寡言與物無忤好屬文已患癩症猶以左手作書成文年六十三而卒子三煌祖邑廩生隆祖煥祖皆國學生孫泰岳庠生

李維翰字升聞候銓吏目東沙堡人弟維植歲貢生季弟維梅早夭遺任恒模生纔數月翰與植一心扶持恩勤猶子時人賢之

惠若僑字希聘拔貢生寧鄉縣籍家於祁教授生徒多

所成就

羅光瓊字衛玉會善村人呈錦子篤於孝友博通經傳
精研理學雍正壬子中式順天鄉試任教諭風格峻
整足跡不履公門接引後進則孜孜不倦兩地後先
登科第者多出其門孫映旭邑庠生

馮積隆峪口村人品行端方與人交推誠相與始終不
貳邑侯擢爲鄉正遠近欽服

王裕珍常家堡舉善都人爲人厚重與世無忤有唐虞
揖讓風享年九十八歲

李植生張庄村人少孤家貧繼嗣高姓及弱冠流涕而
請於高氏族長得歸宗創業成家

王鳳瑞喬家堡人忠厚沉默少失怙恃事兄惟謹親黨
之中有無相濟人無間言

李瀆生張庄村人性明快遇人忿爭片言立判里人服
之二十年村人無終訟者享年七十子孫蕃盛

張進朝長頭村人父歿時二弟尚幼進朝自奉節儉而
弟常溫飽後家計粗足毫無私殖尋二弟早世撫遺
侄三人教養成立年七十餘卒

張文清字秀章進朝之子也幼勤學長入成均爲人
長厚喜推解戚屬多所成就每歲所入之餘悉以給
里黨之貧者視乃父爲能世繼其美云

馬鵬雲字獻霞三合村人性誠樸尤篤友愛中年艱於
嗣五旬連舉二子長子麟弱冠入邑庠人謂厚德之
報年六十七卒

馬鶴雲字子仙三合村人端方爲人所敬憚延師課子
甚嚴子任輩小過必懲而疾苦體恤維殷食服一崇
節儉而濟困扶危畧無難色年六十餘卒子達國學

生紹歲貢生

馬達字昭公鶴雲長子幼嗜學無間寒暑後因足疾廢
學授例入成均時伯叔從弟皆幼達一人支持數門
先業賴以不墜子建極等六人皆列膠庠人稱一門
之盛

馬紹字佩公鶴雲仲子庠生授例入成均性慷慨好義
能爲人排難解紛邑侯秦舉爲鄉飲介賓子建中乾
隆乙酉武舉

高爾德紫紅鎮人孝友儉勤雅崇詩禮子月攀庠生桂

攀武庠生

戴需字潤蒼小韓村人好善樂施凡修建祠宇及橋梁必量力仗助尤喜勸善規過里人欽服

原不謨字顯翁庠生下申村人性醇厚克敦孝友輯睦鄉隣尤雅慕詩書雖托業商農然謹言慎行有儒者意度現年六十歲

武配京字成孚廩生北團柘人孝友性成尤喜振拔寒士不計資贖一時俊造多出其門孫裕本歲貢生

郭干城南團柘人太學生俊偉多智慮家貧以生殖致饒裕性儉約不喜奢華與人接恭而有禮歲饑嘗出粟以濟人里黨重之

戴令德字永錫小韓村人存心和厚善醫有患癰者家苦貧醫之愈不索謝復贈麥數石其他行事多此類子四人年六十一卒

程象禹小義村人以耕讀爲業爲人正直和平篤宗族睦鄉隣衣冠言動有古處風

于達吉古縣村人舊籍河南獲嘉縣姓呂氏幼與古縣村王姓爲嗣家貧及達吉長經營漸至饒裕事義

克盡孝敬後以生父無人承祀命次子復名呂士誠
歸舊籍旋入庠食餼焉

顏煥章字闇公雋子性質直寡交介然自守好古勤學
髦而弗倦精神不減少壯厭繁華避城市攜眷寓文
邑馬西謁商山卜子廟見配殿田段二賢木土壤捐
貲重雕創建神閣後值重修卜子廟復輸二百餘金
適歲歉擇村中至貧者四十餘家月給米三斗所活
甚衆人至今猶頌其德縣令高公舉鄉飲大賓
岳鍾錦小賈村世相六都人忠厚樸直乾隆五年奉

憲賑饑錦董事特爲平允當事獎以匾曰公則人服
陳輔元字佐公李家灣舉善都人敦行飭已樂善好施
本庄北有小山係祖遺業傍山臨河氣脉所聚爲墓
建關帝廟一座次子環旋入學食餼人以爲福善
之應

渠呈華字煥文本城世相坊人性不好華飾遇人勸善
規過直言無隱曾拾遺金還其主不言德年七十有
七卒現似續蕃衍長孫家麟名列膠庠

渠德崇字事先增廣生員本城人事親以孝聞訓子弟

彬彬有禮

渠漢琬字公瑾增廣生員本城人品行端方沉潛嗜學教授生徒多所成就

李暉字東陽本城北街人性樸寔尚勤儉乾隆三十四年董修學宮尤矢公矢慎

程巨觀東觀鎮六台都人幼遭繼母愛敬根于至性歷二十餘年無間在族黨尤能仗義輸財人無不稱爲長者

范衍字豐裕西關廂人幼事繼母勞而不怨視膳問寢日行弗怠故其母稱孝人皆信之子瑞芝吏員

史開秀下申村人生平敬老憐貧其妻渠氏連生七女因病常勸夫納妾秀不允後買女爲夫妻秀知之收爲義女擇配出嫁後生子三長銘次庠生書三鈞夫婦偕老

范世芬字庭蘭下申村世相坊人輕財重義有村人欠芬銀四百兩貧不能償芬盡讓之且常給其日用人以爲難

劉永信塔寺村人少負氣節喜讀書家貧妻喪不能葬

娶孀二子就食關東次子煒性聰慧爲擇師授業境
益窘而志不墮食缺衣單晏如也後遣煒歸籍應試
補邑弟子員論者謂信雖賣志以沒可無憾云

顏建績字輔廷大韓村人持已端重與人終身無疾言
遽色生子三長章程國學生次鵬程邑庠生

張攀桂東陽翼人舉鄉飲耆賓居心仁厚壽踰八旬

顏建紀字承廷大韓村人敦厚不佻舉鄉飲耆賓子五
長雲程早年入泮次大廣肄業成均

呂秀華下閭粲人勤儉持家端直處已生平隻字不入

公門子顯龍顯鳳孫士錦士泰曾孫六人稱昌盛

程翼南字鵬飛稷文學東觀鎮人敦忠秉信頗有古先
民遺範

程銓范公村人邑庠生好學力行與物無忤

楊文燦曉義村人庠生乾隆己亥 恩科中式第三名
舉人冠英之父爲人禮賢敬士重義輕財

楊文敬曉義村人庠生乾隆己亥 恩科中式第三名
舉人冠英之胞伯爲人莊以持已和以接人

郝衍虞字思協增廣生長子聖基字子敬登雍正丙午

賢書令河南商城有惠政歸里之日士民攀轅載道
知不可復留爲立去思碑癸未鄉飲邑侯重其德延
作大賓子元文字漢臣乾隆辛酉拔貢候選教諭元
英字冠軍乾隆庚辰 恩科舉人揀發陝西試用知
縣署直隸鄭州州同復護理本州知州印務又委署
漢中府畧陽縣知縣潔清自矢終遵家訓孫以剛增
廣生以健大學生以莊業儒曾孫鳳舉邑庠生元孫
逢春遇春五世一堂子敬公現年八十有九尚健里
人無不敬且羨云

康富字天錫賈令鎮人天性淳篤慷慨好施有閭姓者
娶王氏素貧值歲歉不能度日不得已爲分離計天
錫聞之速令將離書焚毀日給以米薪夫妻得完子
福旺字疇五事天錫先意承志生平行事恪遵父訓
親族有不能婚葬者爲給貲財令婚葬乾隆三十五
年倡修本鎮北門樓三十六年本鎮鎮河樓傍臨大
河年遠就傾邀衆重修較前址高起數丈三十八年
鎮南開南新渠灌地八頃有餘鎮人利多賴焉生四
子長瑞庠生次瑛太學生次理次瑾業儒

范經邑魯村世相二都六甲人幼貧偕弟綸奔走苦營
父彥玉爲人重義輕財有所需兄弟力爲設措以成
父之志斯無愧乎子職云

高大智魯村六台都人其生平慷慨好義遇人急難事
匍匐往救性至孝父奇龍壽八十有奇而歿母張氏
寢疾三載寢食不能自運智朝夕侍側以終母年生
于三皆能繼父志人以爲天之報施善人不爽若此
宋進璋邑北建安西關一都三甲人居心寬厚處世謙
和遇里黨有困乏者雖傾囊以助所不惜生于三長

德裕次國學生德盛三國學生德榮皆克守前業闢
里推重焉

渠清漣爲本城舉善四都二甲人與弟清淪共篤友恭
之誼終身無戾言事孀母每食必親一庭之內藹如
也鄉里以爲今人所難

李仲字生方邑東沙堡人以經營起家而輕財重義族
黨之蒙其惠者難罄述生子三孫十餘人皆醇謹質
實善於守成論者以爲貽謀之遠云

范爾寧字子安任河堡人生性誠樸不愛華飾不喜

虞事繼母委曲承順從無間言弱弟爾靜當父卽世時生甫七月賴撫育以成後不幸失明友愛尤篤擊及其壯爲之授室六禮一切加厚不以己慚儉素而遂簡約也厥後析爨曲徇弟意凡其所欲悉讓焉其孝友人嘖嘖傳誦不置云

程履中字蹈和候選府經歷爲人敦厚儉朴不與外事兄弟三人履其季也大兄用中讀書少亡履爲遵繼二兄之子承祀二兄時中邑庠生援例捐授浙溪餘姚縣典史未二年卒於官履移柩回籍復爲償債子

金又遺子男女八人履爲之教養各及時昏嫁先履無子繼兄次子後五十餘歲生二子人皆以爲厚德之報云

武配德字勝殷邑團柏村人鄉飲僎賓爲人好善樂施村西傍大河每山水漲發行人病涉公慨然捐貲修石橋以濟今所稱凝瑞橋者是也晚年足不出戶庭惟延誦課子孫至今枝葉繁盛爲東南巨族

武裕理字子順團柏村人邑庠生乃鄉飲僎賓勝殷公之孫秉性剛直風度整飭鄉之人皆矜式焉其治家

元縣志 卷九
嚴而有法事無大小莫不處以精細兩弟婦早寡公撫恤尤厚臨終戒子弟曰我死無他慮惟兩娶婦守節可憫汝等其善遇之

武裕璣字仲玉團柏村人入邑武庠亦鄉飲饌賓勝殷公之孫以孝友稱母年九十餘公事之如一日兄弟多早逝請于姪俱幼教之讀書皆成立其秉性寬和生平不輕以喜怒加人而人尤愛敬之

梁斌柱字雙全邑白圭鎮人授職儀臺考注郡幕旋以艾耆歸里前邑侯朱君詢志潔行方足爲民表者都人士爭以公應朱君重君德器以郡幕淳修表於公之堂焉

梁灝德字聿修爲雙全長子由內閣纂修議叙州同知性孝友仁慈敦行無虧弟秀林子文光皆列膠庠馬建功字大統入邑庠生本城世相都人繹之子持躬飭已不愧端人

楊國正縣東鄉曉義都人爲人崇本尙實樂善好施孫冠英登乾隆己亥賢書

楊文明曉義都人乃孝廉楊冠英之胞伯篤於孝友鄉

人傳頌

李以敬字謹菴本城內北街人性剛直處衆仍謙和邑侯重其品延爲鄉飲耆賓年八十有七卒

郝晃三合村人舉鄉飲耆賓居心朴實舉止端方享耄臺上壽人稱齒德並茂

渠飛熊字涓賢本城人早歲入邑庠雅善岐黃之術懸壺市肆取藥者不責其值嘗曰濟人利物儒者職分內事吾家貧不能廣施尙計利哉其隱德及人如是生子二長殿廡乾隆庚辰科舉人次殿英補弟子員

孫六入泮者三已亥領鄉薦名曰涓者其次孫也入謂世德相承勿替云

程昌盛東觀鎮人維洛子邑庠生事親以孝聞撫幼弟昌明太和俱成立入武庠

呂顯鳳邑下閭粲人存心厚處世和舉鄉飲耆賓郝彥暉三合村人援例捐從九品性恂謹然諾必慎居喪尤能以禮自範

袁佩璋字子栽本城中西街人奎平負氣節讀書苦心探索悟解往往出訓詁之外爲文章掃世俗帖括

雖屢蹟不售殊自得也又善作育人材胞侄縉髻年
受業期以遠大發古人書日訓切之不欲其趨時好
尚取媚俗眼性慷慨濟人緩急不責償兼善鍼砭全
活甚衆前邑令王曾以八法神鍼許之垂老談世壯
心猶鬱勃不已惜不獲抒胸中之奇以諸生終老云
袁佩理字含美號公琢爲子我胞弟自幼失怙事母以
孝聞處兄弟怡怡無間尤能篤分潤之義太君喜甚
公少謝章句不憚牽車服賈爲八口計而教子甚殷
於時廣集藏書博訪四方名宿得進士杜登長命縉
負笈受業績學成名縉七下棘園三經入彀而不果
售公戒之卒業有曰我願書香留鄴架誰教貨殖起
崇園女卽破產成立吾亦不悔甚毋因此自隳厥志
後年六十有七卒

布克信邑鞏家堡人年八十七歲生子五孫五曾孫二
元孫一五世一堂至今同爨

暢殿元北左村人貢生秉性剛直制行端方於倫紀間
尤篤里人士常以令德孝恭友于兄弟爲之誦焉

仙釋

唐

張果不知何許人嘗遊寓縣東南溫風嶺住石窰中後
人名其窰爲張果老窰石壁上有石椽長二尺俗呼
拴驢椽石面有驢蹄印四深數寸窰左北上有一小
峯呼仙南嶺巖平凹有圓池澗一丈呼天井又有石
槽爲果老飲驢之地今其遺跡猶存

宋

諸仙禪師俗姓裴祁縣人居下幘山幽仙寺一日午夢

覺云河南好麥時三月中旬也徒衆皆竊矣師乃出
麥穗袖中示之衆大異嘗入汴徽宗詔入朝賜號諸
仙設譙不食問之云問本寺鐘聲方食少頃果聞鐘
聲上遣兵衛取其鐘鐘飛西崖今名墜鐘崖以鐘百歲
髮尚黑不食百日而化

全福俗姓田祁縣人諸仙徒也從遊於汴徽宗賜號全
福出入乘虎神通殊夥齡百餘整衣化色如生

方伎

明

閻子貴祁城都人精通六壬言無不應
閻大節舉善坊人通藝術尤精於醫卜

祁縣志卷十

祁縣知縣陳時編輯

列女

彤史稱美女子之行所重者女貞婦孝妻令母賢焉
夫閨門之言不踰閫無非無儀無成之義也錄柏舟
而紀伯姬不幸以節烈著固其服于女誠家訓者多
亦其秉於天理民彝者正故不獨在聞家望族也我
朝褒嘉志行薄海內外守節不移者所在奏

聞旌表建坊未嘗後時所以興民行者至矣祁爲太原
望邑閨閣之能明大義者甚夥今采獲尤顯行者著

子冊或可附于政八篇之後也夫志列女

南梁

魏氏王神念妻僧辨之母也性安和善於綏接家門內外莫不懷之梁元帝遣僧辨伐襄陽以待部曲下獄魏流涕徒行將入謝罪元帝不與相見時貞惠世子有寵魏詣閣自陳無訓誨涕泗嗚咽衆並矜之僧辨免罪魏深相責厲辭色俱嚴僧辨雖克復建鄴功蓋宇宙魏恒自謙損不以富貴驕物朝野稱之謂爲明哲婦人及卒命侍中謁者監護喪事謚曰貞敬太夫

人靈極將歸建鄴又遣謁者至再弔祭

唐

王珪母李氏有知人之鑑謂珪曰我看汝當貴但不知所異者何如耳一日房喬杜如晦造珪氏窺見大驚敕具酒食盡歡旣去謂珪曰二公皆公輔器子必與之俱貴後卒如其言

王氏太原人永福潘令之妻也隨夫宰永福任滿祖錢留連王先解舟泊五里汰王灘下俟久不至月夜登岸題詩壁曰何事潘郎戀別筵歡情未斷妾心懸

王灘下相思處猿叫空山月滿船未暑太原族望歲
久詩漫滅獨太原二字入石邑人因以名其灘

明

生員孔俊妻武氏性淑慧每夜績佐夫讀偶問列女傳
俊曰爾婦人曷足語氏曰列女獨非婦人乎俊心奇
之正德辛未流賊入祁俊遇害逼氏罵曰吾儒家
婦豈若等匹耶迎刃而死

楊子秀妻田氏夫亡守志賊入見其美欲犯之氏曰我
正祈速死從夫地下爾豈爲若等污耶斫傷其右臂
絮衣走溺井死

趙文茂妻高氏避賊走空室中被執謂之曰從我當享
安樂氏曰我無庸生奚庸安樂賊以刃批其面并刺
其腹死

王原妻郝氏早寡聞賊至衆皆走避郝獨不去及執厲
聲曰我婦婦也不二心久矣賊見其不可屈揮刃碎
其身而去

張才玘妻范氏賊變走伏坊民段能圍舍賊突入范奮
起捉衣嚼髭大罵之賊斫其頸殞地死

溫廷美妻郭氏賊至匿城下穴中賊搜得拽出迫之行
溫知不免至城東深水坑奮身躍入死

段奎妻閻氏卧病不能起賊至奮聲大罵賊怒引弓揮
刃閻引頸迎之曰能速殺我我志遂矣賊竟殺之裂
其屍自武氏至閻氏同時旌表提學周宣有七貞記
見藝文志

武鑰妻楊氏年二十四而寡守節撫孤壽七十三卒
許琮妻呂氏年二十五夫亡事舅姑以孝聞子鴻程甫
一二歲課讀有成年十九領鄉薦

范奎妻王氏年二十二而寡遺子未期矢志撫孤壽七
十有五卒奉請旌表

胡早妻李氏年二十一夫故方娠三月撫柩哭曰夫死
妾何忍獨生姑曰俟遺腹男女何如爾及期幸舉子
堅志撫孤壽七十三卒奏請旌表

顏享妻何氏年二十三夫故遺女二有欲娶之者氏剪
髮自誓寧死不二撫女完節以壽終

任錫妻田氏性貞淑不妬忌孀居四十餘年撫庶孤如
已出閨里稱之

賈思本妻程氏年二十八思本卒氏事老育幼終始不渝子璣娶王氏甫生子璣死王亦勵志如姑人稱賈門雙節

溫士德妻渠氏家貧無子苦節四十餘年足不履戶外紡績度日人無間言

郭孝禮妻劉氏年二十四夫亡子二義三歲智在娘卒後七日而生守撫有成卒年八十

都事王應璧妻郝氏隆慶元年被賊掠迫之前行乘門投井死

文博妻范氏范儒女早歲計婚未合悉交博轉徙於外二十年不返父母將改字女不從年四十文博還始偕伉儷生男女各一鄉黨賢之

戴秋姐戴宛之女幼端謹有令德隆慶元年女年甫十八隨母避賊行至秦村堡北賊突至先殺其母以刃脅從女詈罵不屈怡然就戮賊怒裂其屍

袁銀旦袁永福之女年十六未字父母之田間女獨居范遇興窺而逼之女詈叱不從遇興懼奔母歸訴其故旋卽自縊

楊士隆妻孟氏甲申流寇掠其家氏有姿容以甘言誘之不從脅以刃亦不屈夫與子俱被害氏罵曰死賊速殺我賊怒肢解之

太學生唐強妻田氏世相坊人夫亡杜門不出雖隣婦罕見其面撫孤成立壽八十一卒

舉人王廷美妻袁氏夫亡遺子鑾方三歲誓不他適後鑾以歲貢任府判氏壽八十有四奏請旌表

王萬妻李氏故縣都人夫亡年二十四歲族人欲奪其節氏斷髮誓守撫孤成立壽八十有一奏請旌表

范廷廣妻張氏世廂坊人夫亡年二十三歲以堅節撫孤

壽七十三卒奏請旌表

王慶妻張氏西閩廂人夫亡年二十三歲孀居至七十卒

王廷祿妻馮氏廷祿慶之子廷祿歿氏孝事孀姑誓不再醮

郭伯羽妻王氏麓臺坊人夫妻相敬如賓夫亡誓不他適孀居四十餘年卒

李廷直妻郭氏世相坊人夫亡孀居四十餘年勤苦

親撫孤成立

胡濂妻王氏麓臺坊人夫爲賊所害堅貞誓守閨閤弗出四十餘年壽六十四卒

王廷珍妻任氏會善都人孀居四十餘年甘貧課子饌鑑俱邑庠生

生員呂惟敬妻許氏麓臺坊人夫亡甘貧守節年屆七十而卒

呂廷與妻武氏麓臺坊人夫亡年二十九歲堅貞守節勤紡織以撫孤壽七十三卒

武安邦妻許氏西關廂人夫亡孀居三十餘年里黨欽重

武尚寬妻田氏西關廂人夫亡年二十三歲守節撫孤始終不渝

驛丞胡應宿妻許氏麓臺坊人夫亡堅節撫孤四十餘年而卒

許安周妻申氏世相坊人夫歿遺孤三歲氏甘貧守節孝事翁姑撫子女成立

范思安妻呂氏世相坊人夫亡誓不他適撫孤及侄孫

異已出壽六十二卒

李行仁妻呂氏麓臺坊人夫亡堅心守節教子成立

武尚質妻陳氏西關廂人夫亡年二十三歲子思敏方
周歲守節撫孤壽七十七卒

武定妻王氏西關廂人夫亡年二十五歲堅志守節撫
孤成立

生員許永慶妻續氏世相坊人夫歿年二十二誓不他
適撫育遺孤壽八十二卒

閻朝榮妻申氏故縣村人夫亡年十九歲後五月生子

佐氏甘貧守節撫孤成立人無間言

韓佩妻申氏大韓村人夫亡時年二十四子登科方在
娠彌月而生誓死不嫁勤儉育孤以成家

武尚學妻康氏西關廂人夫亡年二十歲子思賀甫周
歲誓不他適撫孤成立壽八十餘卒

國朝

潘一鳴妻劉氏夫亡事翁姑以孝聞撫孤成立先業不
墜

生員申燦妻溫氏姜瓌之變夫婦俱被執賊殺燦挾

上馬而去溫墮馬者三叫號怒罵遂遇害

武舉郝圻妻王氏年二十七夫故子三景鎬景鎭景鎬
俱幼氏守節教子景鎬景鎭列名庠序景鎬領武鄉
薦咸謂貞節之報康熙二十五年具疏 旌表

廩生馬而身妻程氏年二十三夫故無子誓不他適守
節五十餘年康熙二十七年具疏 旌表

程二姐程爾潔女年十六父賈獲鹿與母杜及幼弟居
遇真觀道士馬陽旺覲女懷異志暮夜伏屋梁俟母
出潛下逼之女怒喊不從聲徹於外陽旺懼拔刃刺

之母聞驚愕急往燭之女已死陽旺畏不免亦自刎
垂斃雍正三年建坊 旌表

監生暢煥元妻程氏授貢程大道女年二十九夫死痛
不欲生父諭之曰老姑幼子非汝安依意稍解奉姑
以孝謹聞撫子有成歷二十餘年辛勤罔懈雍正七
年疏請 旌表

任世秀妻許氏年二十一而寡家計蕭條氏撫諸幼事
孀姑婦道母儀兩無所忝有司給扁表其門

李九兒者劉家堡李允照之女也借母王氏赴場

有強暴窺其母還取麥欲污之九兒嚙罵奔家哭訴
其母勸慰蓋忿莫釋是夜乘母睡熟投繯殞命聞於
官強人畏罪脫逃被獲伏法乾隆三十一年 旌表
建坊入祀節孝

王爵妻李氏麓臺坊人夫亡時年二十一子廷臣方三
歲安貧撫孤壽七十二歲卒孫四人曾孫五人

渠天錫妻暢氏世相坊人年二十歲夫亡閱數月生子
秉義矢志守節勤紡織課子讀書年八十六卒 旌
表建坊崇祀節孝

王定邦妻溫氏會善村人氏獨宿有強暴用刀撥門入
室氏叫喊不從罵不絕口強人懼隣右知覺拔刀刺
氏遂遇害奏請 旌表

太學生暢煥元妻程氏北左村人夫亡柏舟自矢誓不
再醮奏請 旌表年八十二歲卒

生員郝如璧妻岳氏長頭村人年二十一而夫亡生子
甫六月氏躬操井臼孝事翁姑撫育遺孤嚴慈並至
乾隆十五年 旌表建坊四十二年以孫壯猷官建
寧總兵 誥封夫人

董其都妻馮氏邵北村人年二十五而夫亡身有遺腹
誓志守節後生男養親撫子壽五十八而卒

生員范蕙如妻薛氏世坊人夫亡時年二十四矢志
守節勤紡績事姑姑以孝聞撫前室之子燧英鞠育
教誨弗異親生壽七十七而卒燧英邑庠生孫田棻
邑廩生

趙際昌妻張氏梁村人夫亡時年二十二家貧無子女
父母欲其改嫁有富室遣媒說婚氏聞之氣絕垂死
不食者累日父母知其志堅弗強也孝事翁姑爲夫

繼嗣未幾氏亦亡

程師孔妻杜氏東觀人師孔太學生直隸東光令悽
庶子亡時氏年一十九歲有子二人矢志撫育長復
初以府試冠軍入庠次旭初以縣試冠軍入庠乾隆
四十二年旌表建坊

李維梅妻張氏年十八適夫家年二十一生子恒模而
夫沒氏哀毀至不欲生其姑數勉以子幼親老宜承
夫志俯育仰事以慰夫於地下始強食事舅姑克盡
婦道以孝聞族黨間矢節撫孤飲水茹苦五十餘年

乾隆四十二年 旌表建坊

渠瓚妻范氏白圭村人夫亡時年二十二遺子連錦製錦氏冰霜自矢雖至親亦罕見其面勤紡績忍饑寒孝事孀姑三十餘年不懈

高全維妻岳氏團圖村人夫亡時年二十六誓志守節孝事舅姑子稍長勤課讀書希曾補邑庠生

渠容妻武氏會善村人夫亡時年二十三家貧勤紡績隣人罕見其面孝事孀姑慈撫孤兒子生德營生成家

渠瑞妻馬氏塔寺村人夫亡時年二十六子永對方五歲氏守節撫孤事姑孝謹姑寢疾三月奉養稱勤及姑卒哀痛致疾踰年始愈遇夫姊甚厚戚里中貧乏者靡不周卹人謂不愧渠瑞妻云

渠瑞見孝義

呂付連妻霍氏東六支人夫亡時年二十二無子家復貧甚矢志靡他敬事孀姑二十餘年撫姪爲嗣時未週歲鞠育辛苦至於成立今孫五人

盧裕昌妻程氏西沙堡人生子全功甫一歲而夫亡氏年十九事親撫子備歷艱辛及全功娶郝氏生子步

月甫三歲而全功又夭郝氏矢志鞠孤與姑共勵苦節後程氏壽至八旬郝亦年六十而終今子孫蕃衍孟良才妻馮氏北團栢人夫亡年二十二歲子玉璽甫五歲姑年已老氏誓死靡他子長娶妻王氏生孫煥甫一週而玉璽復亡時王氏年十八與姑同志守節未幾煥亦夭因撫堂侄暉及昭爲嗣乾隆十二年同請旌表

任心覺妻郝氏東觀鎮人夫亡年一十九歲子英尚在襁褓氏誓志守節事親撫孤備歷艱辛孫元勳府庠生年七十五卒

程嘉仁妻張氏東觀鎮人夫亡時年二十七子幼家貧氏苦節紡績度日撫子成立

程嘉烈妻呂氏東觀鎮人夫歿年二十三歲時長子三齡次子猶在娠氏矢志靡他孝事翁姑撫二子嚴慈並著

程異仲妻冀氏東觀鎮人年十八婚踰月夫遠遊遂無蹤跡家苦貧氏織紵度日終始無怨言後撫侄爲嗣年七十八卒

范玉璉妻渠氏世相坊人性節儉寡言笑年二十九而夫亡遺子三誠詢諱時方娠彌月生二女家貧氏勤紡績撫三男二女皆成立里人推姆德焉

祁州領運千總郝培聖妻薛氏長頭村人夫故時年二十八歲子復早亡以侄綸爲嗣孝事翁姑慈撫繼子年七十二歲卒

庠生任繼光妻梁氏東觀鎮人性貞淑于歸時值姑病纏綿氏扶持六載勤慎不懈及姑將殂以四男二女屬使顧復氏肩承其任因嗣子艱難爲夫買妾夫旋病歿無出翁欲使他適氏誓死不移孝事衰翁撫叔姑如弟妹後以住霖爲夫嗣年八十餘卒

張友參妻郝氏王村人年二十而夫亡遺子公琦氏立志守節孝事翁姑撫孤子嚴慈並著尤勤紡績隣居罕識其面

閻三福妻孟氏張名村人夫亡時年二十五子三人泰慶發女一人家貧子幼氏誓死靡他一切衣食婚嫁俱出自女紅後壽登八秩家道殷富孫成蘭 勉贈昭武大夫

梁大麟妻程氏白圭鎮人年二十二歲生子
和義而夫亡時翁姑皆歿氏速事祖姑
孝敬無虧教育孤兒主
持家政皆有禮法里人賢之

范如蘭妻武氏常家堡人夫亡時年二十四
誓不再適撫育子女勤苦備至現年八十餘歲

張鼎隆妻任氏常家堡人生二子夫亡時年二十二
守節撫孤現年七十九歲子皆成立猶勤紡績里人賢之

郝彥福妻李氏三合村人夫亡時年二十九子統乾甫
八歲氏工針黹撫養成立娶媳任氏俄而統乾亦亡
時任氏年二十八歲無子矢志爲統乾立嗣與姑同
卧起宛如母女今李年八十有奇任亦年六十餘

翟呈鳳妻陳氏攀善都人夫亡時年二十六生子五家
貧甚氏勤紡績撫五子皆成立現年八十六歲

賈廣妻呂氏夫亡時年二十九二子嗣棠印棠俱幼氏
安貧守節撫子成立孫六人曾孫五人現年八十歲
史萬殿妻頤氏祁城村人夫亡時年二十八勤苦紡績
撫子成立現年七十一歲

王宇靖妻張氏修善村人夫亡時氏年二十五子煥彰甫四歲父母欲其改嫁氏不從堅志守節現年七十一歲

岳鍾瑗妻胡氏溫曲村人夫亡時年二十一子仁光甫

一歲家貧氏矢志勤紡績撫孤成立現年七十五歲武裕璿妻梁氏北團栢人歸夫家生一子早殤而天亡氏年二十有二以任子丙炎爲嗣堅節養姑人無間言現年六十五歲子丙炎邑庠生

武裕瑗妻何氏北團栢人夫亡時年十八矢志守節立任子克寬爲夫後孝事舅姑二十餘年皆以壽終現年六十三歲子克寬邑廩生先卒孫嗣

首善行妻常氏夫亡年十九歲子龍泉生甫三月家計蕭條氏柏舟自矢養姑鞠子乾隆三十四年旌表建坊現年六十四歲

李天助妻高氏北谷豐人夫亡時年二十四氏安貧守節勤紡績撫遺孤子光典光籍皆成立現年六十二歲

范爾康妻郭氏任何堡人夫亡時年二十一遺一子

女子潤方二歲氏撫育子女紡績度日誓不他適現年六十二歲

戴我瑜妻時氏夫亡年二十歲遺一子一女氏矢志靡他現年六十歲子鼎銘庠生

渠法孔妻和氏上曲村舉善四都二甲人生二子長開江次開漢法孔三十二卒和氏時年二十八歲立志守節有勸其改適者終不聽乾隆二十八年教諭張澍額其門曰栢節松年享壽七十有七終

高德玉妻朱氏夫亡時年二十四歲生子守忠尚幼氏幼紡績教養其子娶媳李氏生二子而守忠又亡氏泣謂李曰吾家素貧汝若去吾恐高氏一門盡矣李曰吾效姑耳寧有他志乎姑媳相依至老不輟機杼朱氏七十三歲卒李亦六旬餘矣

楊振德妻高氏曉義都人振德與父文星相繼歿時家貧子幼婦矢志不他適事姑尤孝有隣之長者嘗於夏月登高窺見婦持柶簞出納涼爽處頃之扶姑就寢從旁爲搯扇待熟睡乃自就紡績於是不勝嘆服以爲如婦乃可稱真節孝云

李清唐妻郭氏張庄村人年十七歸李生子萬淮甫在
襁褓而夫亡氏年二十七歲誓志守節子稍長最鍾
愛少有過督責不稍寬後子入成均家事悉以委之
日子已成立吾無慮矣現年六十有一
武鉉妻呂氏西關廂人少聰明識大體孝事翁姑不違
夫子鉉兄弟析居時暗地調停令終不失手足之誼
母族中有爭競事善爲排解人稱女中丈夫享年六
十有餘生子大榮大昌大綸大烈俱成立

范仲元母溫氏世相都人年二十一歲守節事翁姑以

孝聞

庠生武裕妻程氏事姑孝姑性嚴急程氏一以和順
承之後姑病卧牀不起者幾十年事之尤謹舉家咸
相謂曰孝婦

呂雲翠妻程氏魯村六台三都八甲人夫故時翁姑年
邁子二人俱幼氏居貧守節勤女工事雙親克盡孝
道教子以義方里重氏爲人公贈以額曰姜操孟

訓

許崇智妻高氏本城世相二都一甲人夫故時年二十

四歲子懋甫三歲氏立志守節誓不再適年四十四歲卒

武裕理妻戴氏北團栢人夫兄弟四人而氏居長諸叔婚娶皆出其手勤勞備至而存心慈恕中饋益修生子克家等四人皆列膠庠食廩者三命次子三子爲叔兩門立嗣其爲功於武氏者大矣

傅奇賢妻段氏東園圖村人守節時年二十一歲遺子建魁歲尚未週氏孝事翁姑勤撫幼子現年五十三歲里人賢之

梁灝德妻楊氏白圭鎮人七誠嫻明四德純備有古敬姜風鄉人欽其壺範以爲迄今所罕觀云

劉仁龍妻凌氏夏家堡人二十七歲守節生子惠遠亦先氏卒遺孫繼光氏教養成立人稱爲鐘郝復見云高德山妻孟氏家貧夫趨食遼東氏獨居紡績度日夫有從子幼失怙恃氏撫育如已出有里中輕儇見其年少以言相戲氏正色斥之因携從子托其叔姑曰吾非不欲撫育此子成人以綿高氏一脉但婦人之義不可忍辱偷生遂自盡邑令朱公爲之詳請以貞

烈 旌表其閭時乾隆十一年也

董其事妻許氏郟北村人夫亡時年二十七子學文甫三歲家貧親老氏養親撫孤年及七旬子學文亦亡遺一幼孫媳呂氏誓不再醮姑媳貧苦以女工度日今許年八十呂亦年五十餘

生員程秉仁妻閻氏東關鎮人夫亡年二十七歲無子家貧姑老立志守節族人爲之繼嗣名正年恩勤如已出現年五十九歲

李枝隆妻徐氏北谷豐人年二十而夫亡遺子廷葵甫數月氏矢志守節養姑育子備極勤慎現年五十八歲

李葵妻馬氏九角村人夫亡年二十二歲遺子丕仁氏矢志勤女紅事姑撫子孝慈著聞現年五十歲

渠汪妻柳氏城南村人夫亡年二十六子進勤尚在提抱家復貧甚氏立志守節養翁姑撫遺孩勤苦備至現年五十七歲

趙士範妻閻氏梁村人夫亡年一十九歲子隆昌甫及期氏誓志守節孝事翁姑撫子成立現年五十歲

孟廷海妻戴氏北園栢人夫亡時年二十一子端甫四歲矢志撫孤現年五十五歲

梁遇奉妻門氏新寨村人長夫二歲夫故時年二十方娠三月親識屢勸他適問答曰夫亡待死禮也豈宜再嫁及生男取名成基長二十一歲閻氏偶於七月十八日夜夢金甲神人持節至屋言曰上帝憐汝年幼守節命汝主九盤山祀三日後當謝世就職既醒閻氏以此夢述於家人家人笑不信至二十一日子時無疾逝家貧衣棺不給五日方入歛面色

如生異香滿室人謂其事奇其理常云

渠世興妻范氏本城人興在外日多貧而無子氏孝事翁姑勤女工度日無怨言及夫死甘守苦節誓不再

醮

監生郝九域妻連氏年二十八因夫病故斷髮自誓不他適撫孤俱成立長子君錫例貢次君斌三君錄武庠生孫四國學元瀛生員登瀛餘業儒曾孫五元孫一五世一堂壽八十卒乾隆三十三年旌表建坊

渠錫井妻段氏本城人夫故守節遺子同漢尚幼氏善

事翁姑克盡孝養教育孤子成立處兄弟妯娌間數
十年無戾言現年八十四歲

趙大觀妻許氏梁村人夫故時年二十一歲繼姪爲子
撫育無異已出事翁姑善承意旨人尤稱其孝云

吏員戴孜善妻程氏程家庄人弱齡歸戴不及四月親
姑棄世遺小姑五歲氏撫養備至舅年老病癱繼姑
主好潔夫從師外就以故侍藥扶持掃除糞穢一切
皆氏躬治之四十後夫卒二子幼小內勤紡績外理
庶務三十餘年如一日今八十餘歲猶能細針密線

以金縷作花佩散諸曾孫與外孫等其壽且康如此
許光顯妻顏氏大韓村人年二十三歲夫亡在外遺一
男一女氏仰事俯育一身任之現年五十三歲

太學生劉宗堯妻閻氏閻名村人夫故時年二十八遺
子景筠尚幼氏矢志守節事翁姑撫孤子曲盡其道
現年五十歲

喬三公妻程氏曉義都人十七子歸生一子夫歿年二
十三家貧守節舅姑賴以養幼孤恃以成婦道母儀
兩無虧現年七十七歲

梁鉞妻李氏白圭鎮人守節時年二十六歲生子承祖等三人又皆早逝遺孫四泰臣泰交泰鴻泰履皆國學生氏哭夫哭子形董骨立而內外經紀節節有條壽八十七卒

王愛誠妻戴氏澗村人年二十二夫故遺子憲儒憲學皆幼氏孀居守節教子成立

戴錫頤妻趙氏本城六台都人夫亡守節年二十二歲撫遺子淑周淑賢慈嚴兼盡壽八十三終

增注暢宅中妻孟氏北左村人夫故時年二十二遺一男一女俱幼氏堅心自守誓不他適事翁姑更以孝聞現年五十六歲

周大德妻顏氏澗村麓臺都人夫故時年二十五歲遺一子尚在襁褓家計蕭然氏矢志守節紡績度日上事舅姑下撫孤兒三十餘年勤勞不倦今三月其舅年八十一歲病臥幾不起氏子周遠趨食在外氏躬侍湯藥晝夜伺於窻外稍聞呻吟卽趨視聞三月有餘其舅得保無恙而氏轉積勞成病矣其人莫不稱之敬之

渠德峻妻朱氏本城舉善坊人素孝舅姑相夫以義因
艱於子嗣遇隣有貧乏者時周濟之不吝有欠負三
百餘金者貧不能償勸夫焚其券後果生一子名漢
珞不數月夫故守節時年二十二歲也

程衍禮妻田氏夫故時年二十一歲遺子孔顏尚在襁
褓氏守節撫遺仰事翁姑曲盡婦道不愧節孝

王惺之妻劉氏本城人年二十六歲夫故守節奉養舅
姑先意承志教二子俊儒正儒俱各成立現年七十

二厥

王榮妻陳氏王村人夫故時年二十一歲家貧勤紡織
度日仰事俯育一身任之人以爲苦節之貞云

呂雲文妻曹氏城南村人夫故時年二十三歲事翁姑
義教孤兒現今六十六歲子思尙孫紫宸

武定邦妻邢氏白圭村人夫故時年二十七生二子長
廣盛方八歲次廣心方二歲立志守節治家以禮育

二子俱成立次子入泮氏年六十八終

顏孚乾妻馬氏舉善都人夫卒時年二十一歲止生一
女善不他適事舅姑孝而能謹撫胞姪承夫宗祧

黨悉推重焉

藝文一

詩陳唐魏而考晉一以書法董狐而稽晉乘藝文固詩
史之遺亦志乘之先資也六朝以還鵬舉仲淹摩詰
飛卿皆以文鳴海內然發揮於故鄉風物者絕鮮爰
自晉唐制詔下訖今茲韻語散行分類裒集而凡城
郭宮室山川民物世變風移靡不燦陳百里之邑具
千古之規也志藝文

制

晉

藝文

成帝冊溫嶠制

朕以眇身纂承洪緒不能光闡大道化洽時雍至乃狂
狡滔天社稷危逼惟公明鑒特達識心經遠懼皇綱之
不維忿凶寇之縱暴倡率羣后五州響應首起戎行元
惡授馘王室危而復安三光幽而復明功格宇宙勲著
八表方賴大猷以拯區夏天不愆遺早世薨殂朕用痛
悼於厥心夫褒德銘勲先王之明典今追贈公侍中大
將軍持節都督刺史公如故賜錢百萬布千匹諡曰忠
武祠以太牢

唐

代宗授王縉侍中兼河南都統制

門下天地之德資陰陽以成功帝王之道任將相而興
化聿求左輔命掌元戎必藉文武之才用經軍國之務
具官王縉有高妙之行有宏達之識學該古訓文正國
風夢帝賚予濟川用汝百揆時叙四維克張累陳造廉
之言彌契沃心之道濱海之右自河而南王旅倣同戎
車殷會監於方伯之國利用建侯之司天將息人予有
禦侮鎮漢沔淮澗之地統齊梁魯鄭之軍總制高牙紀

綱羣帥宏七伐四征之策成一匡九合之功式過外虞
底綏多難將授銅符之律爰咨鎖闥之謀往哉汝諧無
替朕命可侍中持節都統河南淮南淮南西山南諸道節
度行營事仍進封郡公食邑二千戶餘並如故

詔

唐

賜王縉詔

卿之伯氏天下文宗位歷元朝名高希代抗行周雅長
揖楚辭調六氣於終篇正五音於逸韻泉飛藻思雲散

襟情詩家者流時論歸美誦於人口久嚼文房謨以國
風宜登樂府眎朝之後乙夜將觀石室所藏歿而不朽
栢梁之會今也則亡乃眷棣華克成編錄聲猷益茂歎
意良深

勅

明

英宗勅義民王昶郝希敏

正統六年

國家施仁養民爲首爾能出一千一百石用助賑濟有
司以聞朕用嘉之今特賜勅獎諭勞以羊酒旌爲義民

仍免本戶雜泛差役三年尚允蹈忠厚表勵鄉俗用副朝廷褒嘉之意欽哉故勅

武宗勅巡按陝西監察御史閻濬

正德二年

各邊倉場每歲官銀糴買并開中徵收各項糧料草束姦弊多端致誤邊計今特命爾同給事中張賢前往甘肅洮河岷州等處督同布按二司管糧官員將各倉庫草場一應糧料銀兩草束布色錢鈔等項弔取各年收放卷簿自先次差官查盤以後逐一盤驗每年收支過若干見在若干俱要覓數明白若有陳腐糠粃滯瀾不堪之數并虛出盜賣虧折等弊即時該問人犯行提問罪監追應奏請者具罪孳問或有陞調及脫逃等項亦要挨究干礙監臨及管糧等項官員叅奏處治合用監軍軍夫就於所在官司取撥扣算餘耗照依戶部節次議擬奏准事例施行其會官賞功等項支用銀兩一體查盤務見明白爾等受此委任務在躬親如法盤驗不許指厥指庫指塚虛應故事自取罪責事完將盤追過糧料銀兩草束等項數目并問過人犯造冊奏繳爾其欽承毋忽故勅

欽承毋忽故勅

朝廷以兵備爲急務每三年一次閱視但事久因循漸至怠玩今又及二年之期以爾巡按一方特命就被閱視甘肅等處爾須查照兵部題准事理躬親巡歷各該地方將官軍馬匹器械什物墩臺城堡等項一應邊務逐一點點觀看驗畫圖貼說備造文則及大小將官賢否從公訪察此外有無別項失悞事情通行具實奏來以憑處治中間廢弛政務應該更張損益小則從宜區畫大則開具欵目奏請定奪爾尤須秉公持正殫心竭力務俾宿弊盡除邊備修舉毋或徇情曲法虛應故事自取罪愆爾其慎之慎之故勅

勅浙江海道副使閻睿

正德六年

朕惟浙江地方接連海島倭寇不時出沒巡海之職實爲重大今特命爾巡閱沿海地方兼理邊儲仍會同總督備倭官計議提督軍伍備倭捕盜等項官員管督官軍人等修築墩臺關堡教示水戰武藝遇有寇盜出沒就便相機剿捕嘗須嚴禁官豪勢要之家不許用雙桅大船下海引惹倭賊凡海道一應詞訟自行提問理其所委官員若有怠忽偷安廢弛兵備私役軍士剋減月

糧科歛財物害人等弊及官員縱容刁潑軍民兜攬錢糧通同官攢人等虛出盜賣等弊該問人犯爾卽拏問應奏請者具實奏請處治其餘合行事務聽從宜區畫若事干重大者仍行鎮守巡按等官從長議處毋或偏私況爾受朝廷簡命尤須持廉秉公以身率下夙夜盡心籌畫整飭務使糧儲足備軍民安妥庶稱任使若因循苟且致誤兵備邊境不寧必加罪責爾其慎之故勅

神宗勅諭署工部都水司郎中事行人司司正李

憲
萬曆四年

今特命爾前去通州住劄督理通會開河并天津一帶河道往來提督所屬軍衛有司掌印管河及開壩等項官員人等用工挑濬淤淺修築堤岸務使河道疏通糧運官民船隻往來無阻其應出辦椿草錢糧查照原額數目及時徵解完足頓貯停當以備應用出納之際仍要稽查明白毋容所司別項那用各該管河官員常川在河不許營求別差亦不許別衙門違例差遣若遇河水泛漲衝決隄岸各照地方卽時修理如或工程浩大人力不敷起附近軍民相兼用工事畢卽行放回

應與利除害有益河道事宜悉聽爾從宜處置若該管地方軍衛有司官員人等敢有徇私賣法賣放夫役侵欺椿草通同剝船占塞河岸勒剝客載等弊及怠肆不服調度致悞漕運者輕則量情罰治重則拿問如律文職五品以上并軍職指實叅奏其地方人等及勢要之家有盜決河防聽爾徑自拿問中間事體重大及事干漕運撫按衙門亦要公同議處具奏定奪每年終通將役過人夫用過錢糧修理過工程各數目及該管掌印管河等官賢否俱造冊送部查考其嘉州等州縣葦課亦要查照該部題准事例比較催督徵收每年十月以裏解完年終造冊奏繳若各州縣敢有違慢及徵解不前者呈部叅奏治罪其通州修倉并磚木等廠事務仍命爾兼理爾宜悉照本部題准事宜盡心經畫三年滿日差官更替爾受茲委用宜加勤慎修舉衆務以稱任使如或因循怠忽徒事虛文責有所歸爾其欽承之故

勅

勅諭刑科左給事中戴光啟

萬曆七年

先該撫臣建議以敵款邊寧宜及時大修邊政以永

治安先帝嘉納其言分遣大臣三年一次閱視自朕嗣位已經兩次舉行今歲復當閱視之期有言其不便欲停差遣者朕念係先帝遺謨所當遵守且用以儆惕人心振興頹廢法不可罷今歲暫差科臣查閱茲特命爾前去延寧甘固地方遵照原題事理將一切邊務會同各該巡按御史從實查閱要見錢糧積下若干有無侵冒險隘增修若干是否完固兵馬添補若干果否精練器械整造若干果否堅利屯田鹽法會否修舉收買壯馬有無實用及一應未盡事宜悉查原議一一親履其地設法稽覈毋但託委官憑據文冊苟且塞責邊臣有能着實整飭著有勞績及踵襲故套搪塞誤事者俱從實具奏以憑賞罰境內文武官員聽爾隨宜委用并將呈委官員稽查賢否分別舉劾應提問者提問爾承茲重遣須殫竭忠誠悉心查覈仍遵照近旨約已檢下安靜行事務俾查閱有方地方無擾斯稱任使毋得避怨回護及生事騷擾自取愆尤爾其慎之戒之故諭

表

唐

謝賜中和節御製詩序表

王維

中使至伏奉手詔并賜臣皇太子所寫御製中和節詩序聖澤曲臨天文下降日月爛其光彩風雲蔚其氣色捧讀驚駭魂守失常臣伏以天地有常萬物必由其化陰陽不測聖人能爲之節然後垂文章以鼓天下之動張宴樂以導天下之和三五以還盛美斯在伏惟陛下以道御物以文化成立言盡經緯之本秉筆節陽和之中雖天旨元深理絕於彌度而睿詞煥洽義歸於德邵文輝三象諧同六律邁殷湯之晨露掩虞舜之薰風皇太子以聰哲之姿篆隸超妙鸞鳳之勢鍾王莫儔臣備守外藩獲承殊獎荷此非常之賜實惟希代之寶窺觀則河漢無極負戴則山岳爲輕沉族捐軀何階上答不勝欣感之誠謹獻應制詩一首章句疎蕪義理鄙淺君唱臣和歡逢宴鎬之時濫吹徒歌輒効鈞天之末塵瀆旒展伏深戰懼無任祇惕之至

進王維集表

王維

中使王丞華奉宣聖旨應是王維文賦並仰錄寫進上者恩命忽臨以驚以喜退因編錄又竊感傷臣兄文詞

立身行之餘力常持堅正秉操孤貞縱居要劇不忘清
淨實見時輩許以高流至於晚年彌加進道端坐虛室
念茲無生乘興爲文未曾廢筆或散朋友之手或留篋
笥之中臣近搜求尚應零落詩筆共成十卷今且隨表
進上曲承天鑒下訪遺文魂而有知荷龍光於幽窆沒
而不朽成大名於聖朝臣不勝感戴悲歡之至

序

唐

東臯子集序

呂才

君姓王氏諱勳字無功太原祁人也高祖晉穆公自南
歸北始家河汾焉歷宋魏迄於周隋六世冠冕國史家
牒詳焉君性好學博聞強記與李播陳永呂才爲莫逆
之交陰陽歷數之術無不洞曉大業末應孝悌廉潔舉
射高第除秘書正字君性簡放飲酒至數斗不醉嘗云
快不逢劉伶與閉戶轟飲因著醉鄉記及五斗先生傳
以類酒德頌云雅善鼓琴加減舊弄作山水操爲知音
者所賞高情勝氣獨步當時及爲正字端簪理笏非其
好也以疾罷乞署外職除揚州六合縣丞君篤於酒德

頗妨職務時天下亂藩部法嚴屢被勘劾君歎曰羅網
高懸去將安所遂出所受俸錢積於縣城門前託以風
疾輕舟夜遁隋季版蕩客遊河北去還龍門武德中詔
徵以前揚州六合縣丞待詔門下省時省官例日給良
醞三升君第七弟靜爲武皇千牛謂曰待詔可樂否君
曰吾特詔蘇俸殊爲蕭瑟但良醞三升差可戀爾待詔
江國公君之故人也聞之曰三升良醞未足以絆王先
生判日給王待詔一斗時人號爲斗酒學士貞觀初以
恩疾罷歸欲定長往之計而困於貧貞觀中以家貧赴

選時太樂有府吏焦革家善醞酒冠絕當時君苦求爲
太樂丞選司以非士職不授君再三請曰此中有深意
且士庶清濁天下所安不聞莊周避漆園老聃耻柱下
卒授焉數月而焦革死妻袁氏時送美酒歲餘袁又死
君嘆曰天延不令吾飽美酒遂掛冠歸田自是太樂丞
爲清流君後追述焦革酒經一卷其術精悉兼採杜康
儀狄已來善爲酒人爲酒譜一卷太史令李淳風見而
悅之曰王君可謂酒家之南董君歷職皆以好酒鄉里
或哈之因著無心子以喻志河汾中先有渚田十數

稱良沃隣清又有隱士仲長子光服食養性君重其貞
素顧與相近遂結廬河清縱意琴酒慶弔禮絕十有餘
年河清東南隅有連沙磐石地頗顯敞君於其側遂爲
杜康立廟歲時致祭以焦革配焉貞觀中京兆杜松之
清河崔公善繼爲本州刺史皆請與君相見君曰奈何
悉欲坐名嚴君平竟不見崔杜高君調趣卒不敢屈但
歲時贈以美酒鹿脯詩書往來不絕君又葛巾聯牛躬
耕東臯每著書自稱東臯子晚歲醉飲無節鄉人或諫
止之則笑曰汝輩不解理正當然或乘牛駕驢出入郊
郭止宿酒店動經歲月往往題咏作詩好事者錄之諷
詠并傳於代貞觀十八年終於家時年若干臨終自勉
死日遺命薄葬兼豫自爲墓誌所著詩賦並多散逸鳩
訪未畢且緝成五卷又著會心高士傳五卷酒譜二卷
及注老子並別成一家不列於集云

續唐書隱逸傳勳絳州龍門人

考

國朝

邢邑源流考

學而洵

昔禰通之敘五帝曰太昊而後炎帝繼出姓伊耆氏蓋以初國伊繼國耆而稱名也黃帝握符子二十五人得姓者祈已膝箴任荀嬉姑懷依二姬二酉凡十四故六一氏曰黃帝之子首食於祁而世厥土帝堯生於丹陵徙於祁故亦姓伊耆殆依炎帝之舊與載攷左國史鑑竹書開山等集所載僉同且謂耆祈祁本一字卽太原府祁縣故今祁地北四十里曰堯城南五十里曰平陶均稱帝堯始封地則祁之封建愈明矣是古帝有五而祁擅其三也夫以三帝之中天也鍾扶輿之精毓山川之秀五行範體萬善羅躬人至則地必靈而均於祁有湯沐之緣祁誠文獻之區也哉且夫經土分域正山川林藪之名炎帝也定大小之國萬區黃帝也分九州別道里遠近名帝堯也祁借三聖開闢之力仍借三聖保艾之功是地之誠以人重也前此耆借無可考爾今祁東六支村二帝行宮巍然具焉其卽當年遺址與第代遠人湮歲時罔飭夫祭有未舉禮警不恭况聖帝爲萬古立極之主也者景高山而仰止溯昌水以朝宗春祀秋嘗之舉端望博雅君子亟請而臬其典云

三溫名字考

余讀新唐書溫大雅字彥宏弟彥博字大臨大有字彥
將三人兄弟而兩以大爲名彥爲字一以彥爲名大爲
字殊異之至宰相世系表則云彥將字大有前博雅同
後見大唐創業起居注係大雅所撰也中云煬帝遣使
夜至太原溫彥將宿於城西門樓上首先見之報兄彥
宏馳以啟帝帝方卧聞而驚起執彥宏手而笑據此則
三溫之名皆從彥而此書首題乃云大雅奉勅撰不應
於其間敢自稱字已而詳考之高宗太子諱宏受醜於
武后追崇曰孝敬皇帝廟曰義宗故諱之者以宏文館
爲昭文宏農縣爲恒農徐弘敏爲有功韋宏機爲韋機
等則大雅之名實後人追改之載觀顏魯公叙溫氏之
盛曰思魯大雅愍楚彥博遊秦彥將三人之名字其益
真乎

24175

Page 1

